



Visoki predstavnik Schmidt uputio čestitke građankama i građanima BiH

Visoki predstavnik Christian Schmidt čestitao je bosanskohercegovačkim građankama i građanima na današnjoj odluci Vijeća EU da Bosni i Hercegovini dodijeli kandidacijski status za Europsku uniju.

"Ovo je jedinstvena prilika za Bosnu i Hercegovinu. Kandidacijski status ključni je korak u dalnjem usklađivanju BiH sa standardima i propisima EU i još jedna potvrda opredijeljenosti obje strane za budućnost Bosne i Hercegovine kao članice EU porodice. Ovo je prilika da politički čelnici rade u korist ljudi u BiH, na poboljšanju njihovoga života. Bit će to težak posao i tražit će upornost, naporan rad i istinsku posvećenost. Ali to je nužno.

Bosna i Hercegovina mora ispuniti svoje obećanje kao sigurna i prosperitetna multietnička država i dokazati da je u stanju prevazići političku i ekonomsku disfunktionalnost i provesti reformsku agendu. Za to su potrebni odlučni političari i funkcionalne institucije, spremne raditi u interesu zemlje. Pred vama su veliki izazovi, ali oni su vrijedni truda", rekao je visoki predstavnik.

Visoki predstavnik nastavit će raditi na osiguranju potpune provedbe Daytonskoga mirovnog sporazuma. Provedba svih aspekata Dayton, uključujući, na primjer, uklanjanje diskriminacije i pravo na povratak zagarantirano u skladu sa Aneksom VII, skupa s Programom 5+2, mora biti finalizirana. Za to će biti nužna potpuna posvećenost lokalnih političara, kao i međunarodne zajednice.

Visoki predstavnik će, u okviru svojega mandata i u bliskoj suradnji sa EU, pridonijeti putu BiH ka EU.